

Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija

Broj: 02/1-011-246/01
Sarajevo: 16.05.2001.godine.

Z A P I S N I K

sa treće Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 16.05.2001.godine.

Sjednica je počela sa radom u 10:00 sati.

Sjednici su prisustvovali članovi komisije: Sejfudin Tokić, Šefik Džaferović, Ivo Živković, Dragutin Rodić i Nikola Špirić.

Odsutnost je opravdao Niko Sušac.

Pored članova komisije sjednici su prisustvovali: Ibrahim Spahić-delegat u Domu naroda, Matko Kovačević ispred Predsjedništva BiH, Zakira Muratović-pomoćnik ministra u ministarstvu za trezor institucija BiH, Muhamed Begović-poslanik u Predstavničkom domu kao predlagač zakona, Davorka Ištuk-Ministarstvo vanjskih poslova BiH, Jasminka Ajanović-Ministarstvo za evropske integracije BiH, Biljana Oklodžija-Privredna komora BiH, Zahida Hurtić-Strika-Ministarstvo civilnih poslova i komunikacija BiH, Sead Buturović-poslanik u Predstavničkom domu kao predlagač zakona, Slobodan Nagradić-pomoćnik ministra za ljudska prava BiH, Sena Hatibović-Ministarstvo vanjske trgovine BiH.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Sejfudin Tokić.

Za sjednicu je predložen i usvojen sljedeći

D N E V N I R E D :

1. Usvajanje Zapisnika sa druge Radne sjednice Ustavno-pravne komisije Doma naroda;
2. Nacrt zakona o osnivanju i registriranju institucija, organizacija i udruga BiH;
3. Nacrt zakona o važnosti javnih isprava u BiH;
4. Nacrt zakona o športu (predlagači zastupnici i izaslanici prethodnog saziva: Sejfudin Tokić, Ivo Divković, Ivo Lozančić, Ristan Ristić, Mugdin Herceg);
5. Nacrt zakona o izmjenama i dopunama Zakona o Vijeću ministara Bosne i Hercegovine; (predlagač Vijeće ministara BiH)
6. Nacrt zakona o udrugama i fondacijama Bosne i Hercegovine (predlagač Vijećeministara BiH);
7. Prijedlog zakona o pravima etničkih i nacionalnih zajednica ili manjina (predlagač zastupnik prethodnog saziva Ibrahim Spahić);
8. Prijedlog zakona o Crvenom križu BiH (predlagač zastupnik prethodnog saziva Edhem Bičakčić);
9. Prijedlog zakona o konkurenciji (predlagač Vijeće ministara BiH);

10. Prijedlog zakona o arhivskoj građi i Arhivu Bosne i Hercegovine (predlagač Predsjedništvo BiH);
11. Amandmani na Ustav BiH- predlagač delegat Ibrahim Spahić;
12. Sporazum između Vijeća ministara Bosne i Hercegovine i Saveznog Vijeća Švicarske o ponovnom prihvatu državljana Bosne i Hercegovine i državljana Švicarske (**S porazum o ponovnom prihvatu**);
13. Ugovor o državnoj granici između Bosne i Hercegovine i Republike Hrvatske, kao i Mišljenje – Informacija o Ugovoru o državnoj granici između Republike Hrvatske i BiH i Sporazumu o prioritetima u provedbi Ugovora;
14. Ugovor o socijalnom osiguranju između Bosne i Hercegovine i Republike Hrvatske;
15. Nacrt zakona o imovini BiH
16. Nacrt zakona o osnovama prometa nekretninama u BiH;
17. Nacrt zakona o međudržavnom i međuentitetskom drumskom transportu;
18. Nacrt zakona o ugovorima o prijevozu u drumskom transportu;
19. Nacrt zakona o osnovama bezbjednosti prometa na cestama;
20. Nacrt zakona o državnim cestama BiH;
21. Nacrt zakona o međudržavnom i međuentitetskom željezničkom transportu;
22. Nacrt zakona o ugovorima o prijevozu u željezničkom transportu;
23. Nacrt zakona o osnovama bezbjednosti željezničkog transporta;
24. Nacrt zakona o unutarnjoj i pomorskoj plovidbi;
25. Nacrt zakona o međudržavnim i međuentitetskim komunikacijama;
26. Nacrt zakona o financiranju željezničke infrastrukture (tačke 15-26 - predlagač Muhamed Begović, poslanik u Predstavničkom domu) ;
27. Nacrt zakona o izmjenama i dopunama Zakona o vanjskom dugu (predlagač Vijeće ministara BiH);
28. Nacrt zakona o vanjskotrgovinskoj komori Bosne i Hercegovine (predlagač Vijeće ministara BiH);
29. Prijedlog zakona o pošti (predlagač zastupnik Sead Buturović);
30. Prijedlog Zakona o praznicima BiH (predlagač delegat Sejfudin Tokić);
31. Prijedlog rezolucije o povjerenju i pomirenju u BiH (predlagač delegat Ibrahim Spahić);
32. Razmatranje izvještaja o radu Komisije za razmatranje statusa lica naturalizovanih poslije 06. aprila 1992.g. i prije stupanja na snagu Ustava BiH;
33. Razmatranje izvještaja o realizaciji Aneksa VII Općeg okvirnog sporazuma za mir u BiH.

Ad.1. Usvajanje Zapisnika sa druge Radne sjednice Ustavno-pravne komisije Doma naroda.

Zapisnik sa druge radne sjednice Ustavno-pravne komisije Doma naroda Parlamentarne skupštine BiH jednoglasno je usvojen.

Ad.2. Nacrt zakona o osnivanju i registriranju institucija, organizacija i udruga BiH.

U raspravi o ovoj tački dnevnog reda komisija je raspravljala o usklađenosti teksta zakona sa Ustavom BiH i konstatovala je sa tri glasa Za i dva glasa protiv da postoji ustavni osnov za donošenje zakona i da je zakon podnešen od strane ovlaštenog predlagača.

Ad.3. Nacrt zakona o važnosti javnih isprava u BiH

U raspravi o ovoj tački dnevnog reda komisija je raspravljala o usklađenosti teksta zakona sa Ustavom BiH i donijela zaključak sa tri glasa Za i dva glasa Protiv da je tekst zakona u skladu sa Ustavom BiH i da je podnešen od strane ovlaštenog predlagača.

Ad.4. Nacrt zakona o športu

U raspravi o ovoj tački dnevnog reda učestvovali su svi prisutni članovi komisije. Komisija je zaključila sa tri glasa Za i dva glasa Protiv, u osnovnom zakonodavnom postupku komisijske faze, da se zakon treba usvojiti i da se može uputiti u dalju proceduru prema Domu naroda.

Ad.5. Nacrt zakona o izmjenama i dopunama Zakona o Vijeću ministara Bosne i Hercegovine

Komisija je jednoglasno odlučila u osnovnom zakonodavnom postupku komisijske faze, da je Zakon podnešen od ovlaštenog predlagača, te da je mišljenja da ga treba usvojiti i upućuje se u dalju proceduru prema Domu naroda. U raspravi niko nije učestvovao.

Ad.6. Nacrt zakona o udrugama i fondacijama Bosne i Hercegovine

U raspravi o ovoj tački dnevnog reda učestvovali su članovi komisije Šefik Džaferović i Nikola Špirić koji je uložio amandman na naziv zakona u smislu da stoji Nacrt zakona o udrugama i fondacijama "U" BiH. Komisija je sa tri glasa Za i dva glasa Protiv u osnovnom zakonodavnom postupku komisijske faze usvojila amandman na naziv teksta zakona i mišljenja je da ga treba usvojiti i upućuje ga u dalju proceduru Domu naroda.

Ad.7. Prijedlog zakona o pravima etničkih i nacionalnih zajednica ili manjina

U raspravi o ovoj tački dnevnog reda nije niko učestvovao. Komisija je u osnovnom zakonodavnom postupku komisijske faze jednoglasno zaključila da zakon treba usvojiti i upućuje ga u daljnju proceduru prema Domu naroda.

Ad.8. Prijedlog zakona o Crvenom križu BiH

U raspravi o ovoj tački dnevnog reda učestvovali su Špirić, Džaferović i predlagač zakona Sead Buturović. Komisija je raspravljala o usklađenosti teksta zakona sa Ustavom BiH te je sa tri glasa Za i dva glasa Protiv zaključila da je zakon podnešen od ovlaštenog predlagača i da je u skladu sa Ustavom BiH.

Ad.9. Prijedlog zakona o konkurenciji

U raspravi o ovoj tački dnevnog reda komisija je sa pet glasova Za u osnovnom zakonodavnom postupku komisijske faze zaključila da je zakon podnešen od ovlaštenog predlagača i da je u skladu sa Ustavom BiH. U raspravi niko nije učestvovao.

Ad.10. Prijedlog zakona o arhivskoj građi i Arhivu Bosne i Hercegovine

U raspravi o ovoj tački dnevnog reda učestvovali su Nikola Špirić i Matko Kovačević. Komisija je raspravljala o usklađenosti teksta zakona sa Ustavom BiH, i sa četiri glasa Za i jednim Protiv zaključila da je zakon podnesen od ovlaštenog predlagača i da je u skladu sa Ustavom BiH te da se može uputiti u daljnju proceduru.

Ad.11. Amandmani na Ustav BiH

Komisija je u osnovnom zakonodavnom postupku komisijske faze jednoglasno zaključila da su Amandmani na Ustav BiH upućeni od ovlaštenog predlagača i da postoji ustavni osnov, te da se Dom naroda odredi zaključkom o vođenju javne rasprave sa tačnim rokovima.

Ad.12. Sporazum između Vijeća ministara Bosne i Hercegovine i Saveznog Vijeća Švicarske o ponovnom prihvatu državljana Bosne i Hercegovine i državljana Švicarske (S porazum o ponovnom prihvatu)

Komisija je jednoglasno zaključila da Dom naroda Parlamentarne skupštine BiH treba dati saglasnost za ratifikaciju sporazuma.

Ad.13. Ugovor o državnoj granici između Bosne i Hercegovine i Republike Hrvatske, kao i Mišljenje – Informacija o Ugovoru o državnoj granici između Republike Hrvatske i BiH i Sporazumu o prioritetima u provedbi Ugovora

Komisija je jednoglasno zaključila da Dom naroda Parlamentarne skupštine BiH treba dati saglasnost za ratifikaciju sporazuma.

Ad.14. Ugovor o socijalnom osiguranju između Bosne i Hercegovine i Republike Hrvatske

Komisija je jednoglasno zaključila da Dom naroda Parlamentarne skupštine BiH treba dati saglasnost za ratifikaciju sporazuma.

Ad.15. - Ad.29.

U raspravi o ovim tačkama dnevnog reda učestvovali su članovi komisije Tokić, Špirić, Rodić, Džaferović kao i ovlašteni predlagači zakona. Komisija je u osnovnom zakonodavnom postupku komisijske faze raspravljala o usklađenosti tekstova zakona sa Ustavom BiH i da li su podnešeni od strane ovlaštenih predlagača. Komisija je jednoglasno zaključila da su zakoni podnešeni od ovlaštenog predlagača i da su u skladu sa Ustavom BiH, te da se mogu uputiti u dalju proceduru.

Ad.30. Prijedlog Zakona o praznicima BiH

Članovi komisije su jednoglasno u osnovnom zakonodavnom postupku komisijske faze kao nadležna komisija zaključili da je tekst zakona podnešen od ovlaštenog predlagača, da je u skladu sa Ustavom BiH i da se treba usvojiti te ga upućuje Domu naroda u dalju proceduru.

Ad.31. Prijedlog rezolucije o povjerenju i pomirenju u BiH

U raspravi o ovoj tački dnevnog reda učestvovali su Nikola Špirić i Ibrahim Spahić. Komisija je zaključila da predlagač i član komisije Nikola Špirić usaglase tekst rezolucije i da delegat Nikola Špirić na sjednici Doma naroda iznese sažetak rasprave sa Ustavno-pravne komisije kao i inovirani tekst.

Ad.32. Razmatranje izvještaja o radu Komisije za razmatranje statusa lica naturalizovanih poslije 06. aprila 1992.g. i prije stupanja na snagu Ustava BiH

Komisija je jednoglasno zaključila da izvještaj ne sadrži sve relevantne podatke te da se dopuni i smatra da se o njemu treba voditi rasprava na sjednici Doma naroda kao i da se pozove predsjednik Komisije koja je sastavila izvještaj kako bi ga mogao obrazložiti.

Ad.33. Razmatranje izvještaja o realizaciji Aneksa VII Općeg Okvirnog sporazuma za mir u BiH

Komisija je jednoglasno zaključila da se izvještaj dopuni sa najaktuelnijim podacima iz razloga što je izvještaj raden od strane starog saziva Vijeća ministara BiH.

Sjednica je završila sa radom u 13:00 sati.

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Sejfudin Tokić s.r.